

Sakspapir

Saksnr	Utvalg	Type	Dato
060/22	Formannskapet	PS	02.06.2022
052/22	Kommunestyret	PS	16.06.2022

Sakshandsamar	Arkiv	ArkivsakID
Bjørnar Fjellhaug	FA-U62	22/454

Søndagsope for Austrheim Handel - søknad til Statsforvaltar

Vedlegg

Svar frå Statsforvaltar - Søndagsopen matbutikk og søndagsopen blomebutikk
Austrheim Handel AS - søknad om søndagsopen butikk - sommaren 2022

Framlegg til vedtak:

Formannskapet og kommunestyret ber kommunedirektøren om å søka Statsforvaltar om å gje Austrheim status som turiststad, heile året. Dette vil gje grunnlag for å gje Austrheim Handel løyve til søndagsope, og eventuelt andre butikkar som også måtte ønskja det.

Ber om at saka vert utsett og ber om meir utgreiing.

Formannskapet - 060/22 - 02.06.2022

FS - behandling:

Ordførar Per Lerøy (Ap) sa at det er ei bra sak for kommunen å verta definert som turistområde, og at det i neste omgang kan søkast om søndagsope for butikkane.

Helge Dyrkolbotn sa at KrF er i mot søndagsope, ser ikkje behovet for dette. Om alle får dette er det då tenleg for Austrheim Handel, spurte Dyrkolbotn.

Inger Lise Brekke (H) sa at dersom det blir mogleg å søka om søndagsope, så er det ikkje mogleg å forskjellsbehandla, då må alle få halda ope.

Helge Dyrkolbotn (KrF) sa at han er samd med at dersom det vert opna for søndagsopent, så vert det ope for alle å søka. Kvifor kan ikkje Austrheim Handel heller prøva Brustadbua-ordninga, spurte han.

Handsaming i formannskapet:

Kommunedirektørens framlegg til vedtak, vedteke med 3 mot 2 (Helge Dyrkolbotn (KrF) og Bjørn Inge

Håland Dyrkolbotn (Sp).

FS - vedtak:

Formannskapet og kommunestyret ber kommunedirektøren om å søka Statsforvaltar om å gje Austrheim status som turiststad, heile året. Dette vil gje grunnlag for å gje Austrheim Handel løyve til søndagsope, og eventuelt andre butikkar som også måtte ønskja det.

Kommunestyret - 052/22 - 16.06.2022

KS - behandling:

Ketil Tjore frå administrasjonen orienterte om saka, jamfør saksutgreiinga.

Anne Dahle Austrheim (KrF) sa at det ikkje handlar berre om Austrheim Handel, men om alle butikkar. For Austrheim handel ville det vore mykje enklare å bygga om til Brustadbu på under 100 kvadratmeter. Om ein definerer det slik som i saka, så vil alle butikkar i Austrheim kommune kunna definera seg som søndagsopne. Anne Dahle Austrheim la til at ho ikkje kan sjå at Austrheim Handel er innanfor kravet om søndagsope.

Kommunedirektør Bjørnar Fjellhaug sa at ein har meint å definera Austrheim som stad, og ikkje heile Austrheim kommune.

Bjørn Inge H. Dyrkolbotn (Sp) spurte om ønsket er godt nok fundamentert, om det er dette kommunestyret vil. Usikker på om ein kan seia at det ikkje er for heile kommunen, når Vardetangen er mykje brukt som turiststad.

Ordførar Per Lerøy (Ap) viste til at kommunen har definert seg som turistkommune i planarbeidet, vedteke for fleire periodar sidan.

Varaordførar Inger Lise Brekke (H) sa at dette er ein del av satsinga på turiststad, å ha ein butikk som er søndagsopen.

Anne Dahle Austrheim (KrF) sa at turistplassen vår, den fremste, er Vardetangen. Då vert det feil å søka om berre plassen Austrheim for å kunna søka om søndagsope for Austrheim handel.

Inger Lise Brekke (H) spurte om dette med at det skal vera Austrheim som stad eller heile kommunen. Her svara Bjørnar Fjellhaug at det er ei presisering i dette no.

Reidar Øksnes (Sp) sa at det er ein del spørsmål her, og ber om at saka vert utsett.

Handsaming i kommunestyret:

Framlegg om utsetting, kjem tilbake til kommunestyret med ny utgreiing, vedteke med 15 mot 2 røyster (Per Lerøy og Idar Hopland, begge Ap)

KS - vedtak:

Ber om at saka vert utsett og ber om meir utgreiing.

Saksopplysninger:

Bakgrunn

Austrheim Handel AS (Joker Austrheim) har tatt kontakt med kommunen med tanke på å ha søndagsope i butikken. Administrasjonen har vore i kontakt med Statsforvaltar, for å få klarlagt korleis ein slik prosess går føre seg.

Vurdering

For Austrheim vil ein søndagsopen matvarebutikk vera viktig for turistar på gjennomreise, eller som leiger feriebustad, og for dei mange hytteeigarane i kommunen. Med plasseringa langs fylkesveg 565 vil ein søndagsopen butikk også vera eit tilbod til reisande til og frå Fedje.

Det vil også vera ei forbetring av tilbodet til innbyggjarane å supplera dagens butikktilbod med ein søndagsopen daglewarehandel, men det er ikkje det vesentlege argumentet her.

Saksgangen er slik at kommunestyret (eller andre organ etter delegering) må stå bak søknaden om søndagsope. Søknaden skal så sendast til Statsforvaltar, som har mynde til å avgjera at eit område skal reknast som typisk turiststad for heile eller deler av året. Denne saka går såleis til kommunestyret for å klargjera om det er politisk fleirtal, og kommunedirektøren vil i etterkant eventuelt senda søknad til Statsforvaltar.

I regionen er det søndagsopne butikkar fleire stader. Det er enkelte som går under reglane for «Brustad-bu», som Meny Knarvik som har ein eigen søndagsbutikk under 100 kvadratmeter. Så er det ein type butikk som alltid er opne, her finn ein til dømes Eksingedalen Snarkjøp AS som er open 09.00 til 24.00, alle dagar i året. Søndagsope retta spesielt mot turistar har det til dømes vore hjå Sletta Handel på Radøy, og på Fedje er det deler eller heile året mogleg å handla på Coop (Matkroken) og det noko mindre landhandleriet tett på ferjekaien.

Fedje har sine attraksjonar som Hellisøy fyr, Vinappen og natur. Austrheim kan i like stor grad definera seg seg som turiststad, med Vardetangen med eiga dagsturhytte, ein skjergard som er eit mål for mange både i kajakk eller i båt, turstiar som inviterer til fotturar, idylliske bilturruter ut i Øyane, frå sommaren 2022 DNT-htte i Rongevær, og mange hytter som er i bruk av anten eigarar eller leigetakarar frå ulike land.

Om ikkje kommunestyret ber om noko anna, vil administrasjonen be om at Austrheim vert definert som turiststad heile året.

Miljø

Det er ikkje venta miljømessige konsekvensar av tilgang til søndagsope. I den grad dei handlande kjem med bil, vil det gjelda turistar som er på veg forbi uansett, og vidare vil fleire og fleire nytta bilar med nullutslepp.

Økonomi

Saka vil ikkje ha direkte økonomiske konsekvensar for kommunen, utover at auka omsetnad vil vera bra for butikken og dermed også for kommunen sine innbyggjarar.

Konklusjon

Formannskapet og kommunestyret ber kommunedirektøren om å søka Statsforvaltar om å gje Austrheim status som turiststad, heile året. Dette vil gje grunnlag for å gje Austrheim Handel løyve til

søndagsope, og eventuelt andre butikkar som også måtte ønskja det.